

Na osnovu čl. 17. i 22. Zakona o Vijeću ministara Bosne i Hercegovine ("Službeni glasnik BiH", br. 30/03 i 42/03), Vijeće ministara Bosne i Hercegovine je na 68. sjednici, održanoj 28. oktobra 2004. godine, donijelo sljedeću

## **ODLUKU**

### **O USPOSTAVLJANJU UREDA KOORDINATORA ZA REFORMU JAVNE UPRAVE PRI KABINETU PREDSEDAVAJUĆEG VIJEĆA MINISTARA BOSNE I HERCEGOVINE**

#### **I**

Ovom odlukom se u cilju provođenja zajedničke politike i procedura nadležnih organa u Bosni i Hercegovini u oblasti reforme javne uprave kao i efikasne koordinacije aktivnosti koje su utvrđene važećim zakonima u Bosni i Hercegovini a u nadležnosti su različitih institucija u Bosni i Hercegovini, reguliše uspostavljanje funkcije koordinatora za reformu javne uprave (u daljem tekstu: koordinator) i uređuju njegova prava i obaveze.

Ovom odlukom se reguliše i osnivanje, struktura, sastav, prava i obaveze Ureda koordinatora za reformu javne uprave (u daljem tekstu: Ured).

#### **II**

Vijeće ministara Bosne i Hercegovine na prijedlog predsjedavajućeg imenuje koordinatora na period od dvije godine.

Koordinator je neposredno odgovoran za svoj rad predsjedavajućem Vijeća ministara Bosne i Hercegovine.

Koordinator djeluje u okviru Kabineta predsjedavajućeg Vijeća ministara Bosne i Hercegovine, putem kojeg se obavljaju poslovi materijalnog i finansijskog poslovanja.

Vijeće ministara Bosne i Hercegovine na prijedlog predsjedavajućeg imenuje zamjenika koordinatora na period od dvije godine.

#### **III**

Koordinator je zadužen za koordinaciju aktivnosti u vezi priprema, donošenja i implementacije strategije za reformu javne uprave u Bosni i Hercegovini.

Koordinator je nadležan za pružanje mišljenja predsjedavajućem Vijeća ministara Bosne i Hercegovine o najvažnijim pitanjima koja se tiču reforme javne uprave u institucijama Bosne i Hercegovine.

#### **IV**

U cilju realizacije poslova koji su povjereni koordinatoru, a naročito radi efikasne razmjene informacija, planiranja zajedničkih aktivnosti resornih ministarstava, kao i entiteta, koordinator će inicirati osnivanje radne grupe sačinjene od predstavnika ministarstava i agencija, kao i predstavnika entiteta i Brčko Distrikta BiH, koji će biti odgovorni za koordinaciju u okviru nadležnosti datog ministarstva ili agencije, odnosno entiteta i Brčko Distrikta BiH. Radnu grupu verifikuju Vijeće ministara BiH, Vlada Federacije Bosne i Hercegovine i Republike Srpske, te gradonačelnik Brčko Distrikta BiH.

Radnu grupu čine državni službenici, stručnjaci za pojedine oblasti koje obuhvata strategija, imenovani od strane ministarstava i institucija Bosne i Hercegovine, Federacije Bosne i Hercegovine, Republike Srpske i Brčko Distrikta Bosne i Hercegovine, te vanjski stručnjaci.

V

Kada Vijeće ministara BiH konstatuje da su ciljevi postojanja i djelovanja Ureda ispunjeni, Vijeće ministara Bosne i Hercegovine će na prijedlog predsjedavajućeg ukinuti ili transformisati Ured.

VI

Ova odluka stupa na snagu 15 dana od dana objavljivanja u "Službenom glasniku BiH", a objavit će se i u službenim glasilima entiteta i Brčko Distrikta Bosne i Hercegovine.

---

VM broj 302/04  
28. oktobra 2004. godine  
Sarajevo

---

Zamjenik predsjedavajućeg  
Vijeća ministara BiH  
dr. **Mladen Ivanić**, s. r.

---

Na temelju čl. 17. i 22. Zakona o Vijeću ministara Bosne i Hercegovine ("Službeni glasnik BiH", broj 30/03, 42/03 i 81/06), Vijeće ministara Bosne i Hercegovine, na 7. sjednici održanoj 19. travnja 2007. godine, donijelo je

## **ODLUKU**

### **O IZMJENI ODLUKE O USPOSTAVLJANJU UREDA KOORDINATORA ZA REFORMU JAVNE UPRAVE PRI UREDU PREDSDJEDATELJA VIJEĆA MINISTARA BOSNE I HERCEGOVINE**

#### **I.**

U Odluci o uspostavljanju Ureda koordinatora za reformu javne uprave pri Uredu predsjedatelja Vijeća ministara Bosne i Hercegovine ("Službeni glasnik BiH", broj 4/05), u točki II. u st. 1. i 4. riječ "dvije" zamjenjuje se riječju "četiri".

#### **II.**

Ova Odluka stupa na snagu danom donošenja i objavljuje se u "Službenom glasniku BiH", a objavit će se i u službenim glasilima entiteta i Brčko Distrikta Bosne i Hercegovine.

---

VM broj 31/07  
19. travnja 2007. godine  
Sarajevo

---

Predsjedatelj  
Vijeća ministara BiH  
dr. **Nikola Špirić**, v. r.